

醫學

廣筆記



明 繆仲醇 先生 原著
後學 曹炳章 校刊

醫學廣筆記

鴛湖碩鹿題



南京中醫藥大學圖書館藏

中華民國八年孟春
月上海集古閣石印



重訂先醒齋醫學廣筆記序

攷繆希雍字仲醇常熟人明史方伎傳附見李時珍傳中且與張景岳同時景岳守法度而希雍頗能變化景岳尚溫補而希雍頗用清涼亦若易水河間各為門徑然各有所得力朱國禎湧幢小品云天啟辛酉禎患腦病上下如分兩截中痛殊甚不能支希雍至用蘇子五錢即止是亦足見其技之工矣 先生先究藥學三十餘年

著有本草經疏三十卷明天啟五年刊行先醒齋筆記四冊天啟二年刊行其餘校

刊王叔和脈經十卷并附有脈影圖說二卷頗多發明後賢所註脈訣之圖大抵多

本此書如本草經疏綠君亭原刻本雖流傳已少而周君徵之已列入叢書不致湮

沒惟先醒齋廣筆記傳世亦鮮人多珍之讀四庫全書提要云先醒齋筆記四卷乃

長興丁元薦取希雍所用之方衮為一編希雍自又增入傷寒時疫治法併增益羣

方兼自檢常用諸藥品四百三十九種名曰泡製大法悉按雷公炮製去其迂濶難

遵者而裁以己意其無雷公舊法者則以己意闡發以補前人所未逮凡諸使制解

伏并反忌惡畏等附系其下又附用藥凡例庶病家醫家攷用一目了然一一皆先

生口授命門弟子莊繼光先生手錄之五易其稿別類而不分卷彙為四冊仍曰先

醒齋廣筆記明崇禎壬午虞山李枝季刊行炳章偶得原刻舊本一部展而讀之其

間皆先生生平心得經驗良方奇法爰遵四庫提要例仍分四卷校正原文不勝已
意亟謀石印以普傳人世庶幾斯業道者不致夭枉人命其所裨益功豈淺哉
時在

中華民國八年六月 日鄞縣後學曹炳章序於紹城和濟藥局



南京中醫藥大學圖書館版權

序二

古郭丁長孺先生世好醫學而獨心服吾師仲醇先生蓋稽其言有徵驗之事不惑一言之言必輯而錄之以公海內所謂先醒齋筆記無不以為枕中鴻寶矣金沙好事者復廣之增所未備不無小補顧余佩服師訓雅欲家守其說人師其用而舊刻遠藏他郡未必遐邇流通者無事簡閱故本刪其餘論附以臆說追思承事吾師于三茗之下五易裘葛本草經疏一書相與究尾明首尋注合經宣揚至理窮極天地每疏一品必相顧而笑謂倉公仲景而在當與奈我兩人何也余不敏于吾師幸得子齋張公之祕焉因為重刻此記以廣其傳雖然黃帝至聖生而神靈尚有靈蘭之藏即經疏未必盡該況一二筆記哉姑識以俟世之君子

崇禎壬午夏虞山李枝李虬甫述



先醒齋筆記序三

先大夫雅好醫錄方幾成帙予小子試之茫乎無緒也歲丁亥交繆仲淳氏仲淳豪爽自負
黃之訣諦東垣仲景以上尤注精本草曰三墳書不傳傳者此爾遊轍不持藥囊為人子疏
輒奇中其所診視及刀匕湯液與俗醫左俗醫不能解輒謗遇險怪症數年不起或皇遽計無
復之必拱手請質繆先生仲淳往往生死人攘臂自快不索謝上自明公卿下至卑田院之兒
直平等視故索方者日益相知錄其方遞相傳試靡不奇驗仲淳一切無所怪曰顧用之何如
爾仲淳意所獨到堅執不移至俗醫相顧却走意氣閒定自若其察脉審症四顧踟躕又甚細
甚虛甚小心生平好遊緇流羽客樵叟村豎相與垂盼睐披肝胆以故鬼羅祕方其富然惟仲
淳能衷之曰我以脉與證試方不以方嘗病也予辛亥

賜告歸不敢以山中餘日漫付高枕彙三十餘年所積方取奇中者裁之仲淳并錄後先醫案
類而梓之以廣其傳竊自附古人手錄方書之意云仲淳諱希雍海虞故家子多僑寓所至稱
寓公

癸丑春日曲肱道人丁元薦題

廣筆記自序四

予既不事王侯獨全微尚幽棲自遂遠于塵累以保天年然無功及物亦豈道人之懷乎於是
蒐輯醫方精求藥道用存利濟隨所試効病家藏之好事者抄錄轉相授受復多獲驗先是長
興丁客部長孺手集予方一冊命之曰先醒齋筆記梓行于世板留巖邑未便流通交游中多
索此書者卒無以應予適旅泊金沙文學莊君歛之時時過從請增益羣方藥米本草常用之
藥增至四百餘品詳其脩事又增入傷寒溫病時疫治法要旨併屬其季君致之鏤板流行傳
之遠邇庶窮鄉僻邑舟次旅邸偶乏明醫俾病者按方施治以瘳疾苦則是書或有補于世也
夫歛之曰善時

天啟二年歲次壬戌仲冬既望東吳繆希雍自序

廣筆記目錄

卷之一

中風

寒

暑

癘

痢

泄瀉

卷之二

脾胃

虛弱

吐血

消渴

婦人

卷之三



南京中醫藥大學圖書館版權所有

幼科
痘癩附

腫毒

腦漏

雜症

卷之四

炮灸大法

用藥凡例



南京中醫藥大學圖書館版權所有

先醒齋醫學廣筆記卷之一

明東吳繆希雍仲醇原著

明 吳興丁元薦長孺甫輯
海虞李枝李虬甫叅訂

後學鄞縣曹炳章校刊

中風

治法大畧

凡言中風有真假內外之別差之毫釐誤以千里何者西北土地高寒風氣剛猛真氣穴之
人猝為所中中臟者死中腑者成廢人中經絡者可調理而膠治之道先以解散風邪為急
次則補養氣血此真中外來風邪之候也其藥以小續命湯桂枝麻黃生熟附子羌獨活防風
白芷南星甘草之屬為本若大江以南之東西兩浙七閩百粵兩川滇南鬼方荆揚梁三州之
域天地之風氣既殊人之所稟亦異其地絕無剛猛之風而多濕熱之氣質多柔脆往往多熱
多痰真陰既虧內熱彌甚煎熬津液凝結為痰壅塞氣道不得通利熱極生風亦致猝然僵仆
類中風證或不省人事或言語謇澁或口眼歪斜或半身不遂其將發也外必先顯內熱之候
或口乾舌苦或大便閉澀小便短赤此其驗也劉河間所謂此證全是將息失宜水不制火丹
溪所謂濕熱相火中痰中氣是也此即內虛暗風確係陰陽兩虛而陰虛者為多與外來風邪
迥別法當清熱順氣開痰以救其標次當治本陰虛則益血陽虛則補氣氣血兩虛則氣血兼



補久以持之設若誤用治真中風藥如前種種風燥之劑則輕變為重重則必死禍福存乎不
 可不察也初清熱則天門冬麥門冬甘菊花白芍藥白茯苓括婁根童便順氣則紫蘇子枳殼
 葉橘紅鬱金開痰則貝母白芥子竹瀝荆瀝括婁仁次治本益陰則天門冬甘菊花懷生地當歸
 歸身白芍藥枸杞子麥門冬五味子牛膝人乳白膠黃柏白茯苓之屬補陽則人參黃耆鹿茸
 大棗

乙卯春正月三日予忽患口角歪斜右目及右耳根俱痛右頰浮腫仲瀉曰此內熱生風及
 也治痰先清火清火先養陰最忌燥劑

真蘇子三錢廣橘紅三錢括婁根三錢貝母四錢天門冬三錢麥門冬五錢白芍藥四錢甘草七錢鮮沙參三錢明
 天

麻一錢甘菊花三錢連翹二錢河水二錢半煎一鍾加竹瀝童便各一杯霞天膏四五錢飢時服日二
 劑初四至初九日加淮生地黃三錢初十加牛膝四錢黃柏二錢十三日去連翹加石斛三錢五味子五錢

分七白扁豆二錢乾葛八分十八日去連翹天麻乾葛白扁豆加蓮肉四十分

正月廿二日定方 初日進二劑後每日一劑

天門冬三錢麥門冬五錢生地黃五錢白芍藥四錢牛膝五錢酒蒸炙甘草一錢貝母二錢括婁根二錢蓮肉四十分酸

棗仁六錢真蘇子二錢黃柏五分甘菊花二錢鮮沙參三錢廣橘紅二錢五味子八分河水三錢煎一鍾飢

時服



二月十二日定方

天門冬三錢 麥門冬五錢 真蘇子二錢 廣橘紅五分 白茯苓三錢 貝母三錢 黃柏一錢 枯婁根二錢 五味

鮮沙參三錢 玄參二錢 甘菊花五分 甘草一錢 酸棗仁五分 生地黃四錢 白芍藥四錢 牛膝五錢 蓮肉六錢

十日後去枯婁根三月廿八日去玄參加石斛三錢 至五月盡病始全愈前方中曾加參一錢 雷之去 炳章紫陰虛用參之升提必致龍

去 雷之火上騰西洋參少用尚可

丸方

胡麻仁三斤 即黑芝 桑葉酒拌蒸 何首烏三斤 九蒸九晒人乳一斤 蒼朮二斤 米泔浸洗淨刮去皮拌黑豆

次蒸時須烘晒極乾氣方透 牛膝如法 甘菊花二斤 懷生地三斤 天門冬去心 酒栢子二斤 黃藥一斤 枸杞子二斤

又丸方 先時合成病中仲淳以為可服 日進兩許百日後方易前丸

人參去蘆人乳浸飯上 五味子去枯者打碎蜜 山茱萸肉八兩 沙苑蒺藜打糊和藥十二兩 川

戟天如法去骨以甘菊 蓮鬚金黃色者 枸杞子去枯者及蒂人乳 牛膝去蘆酒 天門

冬六兩 蓮肉去心每粒分作五六塊瓦 白茯苓如法 人乳八兩 黃柏蜜炙四兩 砂仁炒二兩 懷生地十二兩 鹿角

霜酥拌炒研如 鹿茸六兩 火燎去毛切片酥炙 菟絲子末八兩 加甘菊花六兩 煉蜜同蒺藜糊和丸如梧子大每

六錢空心飢時各一服淡鹽湯吞

治石半身不遂石屬氣虛



白茯苓炒去刺

甘菊花

何首烏法如黃耆

天門冬法如麥門冬

人參去蘆

漆葉酒拌九蒸

白茯苓晒各一斤

白茯苓晒各一斤

苓

白芍藥炒酒

牛膝去蘆酒蒸

續斷十兩

橘紅兩

煉蜜

九

格子

大空心

白湯

下忌食

白茯苓

肉牛乳○若在左者屬血虛宜加當歸身熟地黃鹿角膠柏子仁各斤杜仲八兩酥八兩○如大感多

痰肺經有熱者去人參加青蒿子鱉甲各十兩如左右臂俱轉掉不便者亦用此方

王宇泰治臧位宇氣虛痰多脾胃有濕晚年半身不遂神效

人參

半夏曲二斤姜汁

白朮半斤

牛膝

天門冬

懷生地

用長流水煎成膏

再入鹿角膠

一斤

虎骨膠

一斤

斤

霞天膠

河間府

梨膏

煉蜜

各製膏和勻

重湯煮

一日夜出火氣

每空感臨

即取半酒杯

以竹瀝梨汁各二杯

人乳桑瀝各一杯和勻重湯頓熱調服

寒

傷寒時地議并六經治法

夫傷寒者大病也時者聖人所不能違者也以關於死生之大病而藥不從時顧不殆哉仲景醫門之聖也其立法造論後之明師如華陀孫思邈輩莫不宗之漢末去古未遠風氣猶厚形多壯偉氣尚敦龐其藥大都為感邪即病而設況南北地殊厚薄不侔故其意可師也其法不可改也循至今時千有餘年風氣澆矣人物脆矣況在荆揚交廣梁益之地與北土全別故其藥則有時而可改非違仲景也實師其意變而通之以從時也如是則法不終窮矣故作斯議

條列其方稍為損益以從時地俾後之醫師知所適從庶幾患斯疾者可免於天枉爾

辨驗外感真偽法

凡外感必頭疼其疼也不間晝夜探其舌本必從喉嚨內乾出于外多兼煩躁不煩躁者即輕證也不頭疼而發熱不發熱而頭疼頭雖疼而有時整止口雖乾而舌本不燥骨雖疼而頭不疼雖渴而不欲引飲至夜或偶得寐遇食不好亦不惡居處雖若冠怯而神氣安靜凡若此者皆非傷寒也

三陽治法總要

太陽病其證發熱惡寒惡風頭痛項強腰脊強遍身骨痛脈雖浮洪而不數多不傳經煩躁脈數急者是欲傳經宜先發汗以解表邪其藥以羌活湯為主羌活三錢前胡二錢甘草八分葛根二錢生姜三片棗二枚杏仁九粒去皮尖研爛水煎服秋深冬月應用此方亦可量加紫蘇葱白如冬月天氣嚴寒感邪即病服此藥不得汗本方加麻黃一錢生姜四片共前七片得汗勿再服如病人自覺煩躁喜就清涼不喜就熱兼口渴是即欲傳入陽明也若外證頭疼遍身骨疼不解或帶口渴鼻乾目疼不得卧即係太陽陽明證羌活湯中加石膏知母麥冬大劑與之得汗即解如自汗煩躁頭疼遍身骨疼不解者羌活一錢桂枝七分石膏一兩二錢麥冬六錢知母三錢竹葉一百二十片白芍藥二錢甘草八分如冬月即病太陽證惡寒畏風



頭疼遍身骨疼自汗不渴宜用桂枝八分芍藥二錢甘草一錢大棗二枚生姜一片 承陽病不解熱結勝脫其人如狂血自下者愈其外證不解者不可下當先解表表證罷少腹急結者乃可下之桃仁承氣湯無蓄血證大承氣湯

正陽陽明病正陽陽明者胃家寔是也 其證不大便自汗潮熱口渴咽乾鼻乾嘔或乾嘔目眴眴不得眠畏人聲畏木聲畏火不惡寒反惡熱或先惡寒不久旋發熱甚則譫語狂亂循衣摸床脉洪大而長息急解其表用竹葉石膏湯大劑與之不嘔無汗與葛根湯亦須大劑若表證已罷脉緩小便利是病解矣 若表證罷後邪結於裏大便閉小便短赤宜用調胃承氣湯或小承氣湯下之 下後按其腹中不作痛而和病即已解如作痛是燥糞未盡也再用前藥下之以腹中和二便通利為度 陽明病不能食若其人本虛勿輕議下 陽明病頭眩欬而咽痛者用葛根甘草桔梗麥冬四味濃煎數劑與之 陽明病無汗小便不利心中懊惱者當發黃急用梔子麥冬淡豆豉大劑濃煎與之如已見身黃急加茵陳為君主之 陽明病衄血此緣失于發汗宜用荊芥二錢葛根三錢麥冬五錢牡丹皮一錢五分蒲黃二錢茅根二兩側柏葉二錢生地黃三錢濃煎與之兼飲童便 陽明病心下硬滿者此邪未入于腹中慎勿下之用竹葉石膏湯加桔梗一個搗碎桔梗二錢黃連一錢 陽明病邪結于裏汗出身重短氣腹滿而喘潮熱手足濇然汗出者此大便已鞭也六七日已來宜下之用小承氣湯不行換大承

氣湯勿大其劑若大便不鞭者慎勿輕下 陽明病發汗不解腹滿急者亟下之 傷寒六

日目中不了了睛不和無表證大便難宜承氣湯之 陽明病下之早外有熱手足溫深結

胸心中懊憹不能食但頭汗出梔子豉湯主之 陽明病發潮熱大便溏胸滿不去者與小柴

胡湯去人參加枳實黃連 陽明病自汗出或發汗後小便利津液內竭大便雖硬不可攻之

須俟其自大便用蜜導或胆導法通之 大下後六七日不大便煩不解腹滿痛本有宿食須

再用承氣湯下之 食穀欲嘔屬陽明非少陽也胸中煩熱者竹茹湯主之竹茹三錢參五

錢枇杷葉拭去毛 三大片蘆根三兩內無熱證者小便利口不渴此為陽明虛也吳茱萸湯主之

吳茱萸二錢人參三錢生姜一錢五分大棗三枚水煎日三服 凡陽明病多汗津液外出胃

中燥大便必鞭鞭則譫語以小承氣湯下之若一服譫語止者勿再服 陽明譫語發潮熱脉

滑而數者小承氣湯主之服藥後腹中轉氣者更與一服若不轉氣者勿更與之若服藥後次

日不大便脉反微濇者裏虛也為難治勿復議下 陽明病下血譫語者此為熱入血室汗止

在頭用荊芥三錢葛根三錢黃芩一錢五分麥冬五錢牡丹一錢五分生蒲黃二錢濃煎以童

便對飲之 陽明病脉浮緊咽燥口苦腹滿而喘發熱汗出惡熱身重若下之則胃中空虛客

氣動膈心中懊憹舌上有苔者梔子豉湯主之 若渴欲飲水舌燥者白虎湯加人參主之

若脉浮發熱口渴小便不利者猪苓湯主之 陽明病協熱下利者宜六一散心下痞者以黃

連栝婁湯調服之。脉浮遲表熱裏寒下利清穀者四逆湯主之。附子乾姜甘草 跌陽脉浮

而濇小便數大便鞭其脾為約麻子仁丸主之。麻仁十三兩芍藥四兩枳實四兩大黃兩厚

朴三兩杏仁六兩蜜丸如梧子大每用十九日三服 陽明實則讖語虛則鄭聲鄭聲者重語

也直視讖語喘滿者死下利者亦死 發汗多若重發其汗讖語脉短者死脉和者不死

吐若下後不解不大便五六日或至十餘日晡時發潮熱不惡寒獨語如見鬼狀者厥者發

則不識人循衣妄撮揚而不安微喘直視脉弦者生濇者死濇者陽證見陰脉也微者但發熱讖語者大

承氣湯下之利勿再服 陽明病發狂棄衣而走登高而歌此陽明實也以承氣湯下之如

便不結者大劑白虎湯灌之石膏四兩麥冬二兩知母一兩五錢加大青一兩甘草七錢太陽

陽明病協熱下利者宜六一散以黃連煎湯調服之 太陽陽明并病六七日表證仍在其人

發狂者以熱在下焦少腹當硬滿小便自利下其血乃愈當用桃仁承氣湯 又二陽併病大

陽證罷潮熱汗出大便難讖語者宜大承氣湯 少陽病 其證口苦咽乾目眩往來寒熱胸脇痛胸滿或痛耳聾脉弦細頭痛發熱者偏少

陽少陽不可發汗發汗則讖語胃不和者當自愈不和者則煩而悸 傷寒三日少陽脉小者欲

已也 凡太陽病不解傳入少陽者脇下硬滿乾嘔不能食往來寒熱未經吐下脉沉緊者與

小柴胡湯柴胡二錢四分人參九分黃芩九分甘草九分半夏一錢五分生姜九分大棗二枚

苦用涼劑

大青苦寒浮心胃

祇毒

少陽病凡邪不

主肌表也却意

以五五五分不

可發汗

水煎温服日三。加減法。若胸中煩而不嘔去半夏人參加枳實一枚。若腸下痞去大棗加牡蠣二錢半。若渴者去半夏加人參枳實根。若腹中痛者去黃芩加芍藥三錢。若心下悸小便不利者去黃芩加茯苓二錢。若不渴外有微熱者去人參加桂枝二錢。覆取微汗愈。若欬者去人參大棗加五味子一錢少佐以乾姜。陽明少陽併病及下利脈滑而數有宿食也當承氣湯下之。若已吐下發汗温針讖語柴胡湯證罷此為壞病知犯何逆以法治之。三陽合病脉大上關上但欲睡眠目合則汗藥用百合一兩麥門冬五錢。甘草一錢知母二錢竹葉五十片枳實根二錢鱉甲如法三錢白芍藥二錢。三陽合病腹滿身重讖語遺尿白虎湯加百合主之。傷寒六七日無大熱其人煩躁者此為陽去入陰故也。傷寒三日三陽為盡三陰當受邪其人反能食而不嘔此為三陰不受邪也。

三陰治法總要

三陰病其證有二。一者病發于三陽不時解表以致邪熱傳入于裏雖云陰分病属于熱糞結宜下。腹滿不可按宜下。有燥糞協熱下利宜下。腹痛下利宜芍藥黃芩炙甘草以和之。如便膿血即加滑石黃連佐以升麻乾葛。如邪雖入裏糞猶未結宜清其熱渴者用白虎湯竹葉石膏湯不渴或心下痞者宜黃連黃芩芍藥枳殼麥冬枳實輩以清之。或邪未結於下焦少腹不堅痛而誤用芒硝以伐真陰洞漉不已元氣將脫宜用人參白朮炙甘草大棗乾姜芍藥大

仲醇 不三

用溫 不三

冷症 不能

女詳附註

劑與之。不止佐以升提升麻葛根紫胡之類

若從無陽邪表證。從不頭疼發熱寒邪直中陰經。此必元氣素虛之人。或在極北高寒之

有是證。法宜溫補以接其陽。附子人參乾姜官桂大劑與之。陽回寒退。即以平補之劑調之。勿

過用桂附以防其毒。

三陰各經見證。悉從仲景傷寒論法治之。如少陰咽痛。咽中生瘡。聲不出。用苦酒湯。到咽即

故知古人立法。非今人可及也。

春溫夏熱病大法

冬傷于寒。至春變為溫病。大都頭疼發熱。或渴或不渴。三陽證俱然。亦間有先微寒。後即發熱

者。大抵發熱其常也。藥用辛溫佐以辛寒。以解表邪。太陽宜羌活湯。陽明宜白虎湯。無汗不嘔

者。間用葛根湯。少陽往來寒熱等證。不可汗吐下。宜和解。小柴胡湯。渴者去半夏。夏加枯婁根。耳

聾熱盛。去人參。加麥冬。知母。枯婁根。渴亦加之。

至夏變為熱病。其表證大約與春溫同。但熱比于溫則邪氣更烈。耳解表用白虎湯。竹葉石膏

湯。有太陽證則加羌活。有少陽證則加柴胡。黃芩。如發斑。白虎湯。竹葉石膏湯。加玄參。梔子。桔

梗。鼠粘。連翹。大青。小青。青黛。大劑與之。二證若大便秘。宜按之。其邪已結于內。便鞭。宜察邪結

中焦。小承氣湯。調胃承氣下之。邪結下焦。少腹堅痛。始用大承氣湯下之。



傷寒溫疫其不可治及難治者皆屬下元虛

傷寒溫疫三陽證中往往多帶陽明者以手陽明經屬大腸與肺為表裏同開竅于鼻足陽明經屬胃與脾為表裏同開竅于口凡邪氣之入必從口鼻故兼陽明證者獨多

邪在三陽法宜速逐遲則胃爛發斑或傳入于裏則屬三陰邪熱熾者令陰水枯竭于法不治矣此治之後時之過也

近代醫師鹵莽既不明傷寒治法又不識雜證類傷寒往往妄投汗下之藥以致虛入元氣變證叢生元氣本虛之人未有不因之而斃者矣戒之哉汗下之藥焉可嘗試也

時氣傷寒 除陰症不可服

苦參兩水酒各一碗煎八分重者水醋各半服之一汗而愈不論傷寒久近立効本草云天行

尤良

史鶴亭太史丁亥春患瘟疫頭痛身熱口渴吐白沫晝夜不休鑿師誤謂太史初罷官歸妄投

解鬱行氣藥不効又投以四物湯益甚諸鑿謝去謂公必死遣使迎仲淳至病二十餘日矣家

人具以前方告仲淳曰誤也瘟疫者非時不正傷寒之謂發于春故謂瘟疫不解表又不下使

熱邪彌留腸胃間幸元氣未盡故不死坐索淡豆豉約二合許炒香麥門冬兩許知母數錢石膏兩許一劑大

汗而解時大便尚未通太史問故仲淳曰昨汗如雨邪盡矣第久病津液未回故大便不通此



腸胃燥非有邪也今日食甘蔗二三株兼多飲麥門冬湯不三日去燥糞六十餘塊而愈

查衛陽銓部患熱病病在陽明頭痛壯熱渴甚且嘔鼻乾燥不得眠診其脉洪大而實仲瀉

問鑿師鑿師曰陽明證也曰然問所投藥曰葛根湯仲瀉曰非也曰葛根湯非陽明經藥乎曰

陽明之藥表劑有二一為葛根湯一為白虎湯不嘔吐而解表用葛根湯今吐甚是陽明之病

逆升也葛根升散故用之不宜白虎湯硬石膏知母甘草加麥門冬竹葉名竹葉石膏湯石膏

辛能解肌鎮降能下胃家痰熱肌解熱散則不嘔而煩躁壯熱皆解矣遂用大劑竹葉石膏湯

疏方與之且戒其仲君曰虜荊非六十萬人不可孝信二十萬則奔還矣臨別去囑曰斯時投

藥五鼓瘥天明投藥朝瘳瘥已而果然或謂嘔甚不用半夏何也仲瀉曰半夏有三禁渴家汗

家血家是也病人渴甚而嘔是陽明熱邪熾盛劫其津液故渴邪火上升故嘔半夏辛苦溫而

燥有毒定非所宜又疑其不用甘草何也曰嘔家忌甘仲景法也

高存之隣人賣腐者傷寒發噦兩日夜不省人事其子乞方仲瀉問曰汝父當時曾頭疼身熱

乎曰然曰曾服汗藥乎曰未也曾吐下乎曰未也仲瀉因索傷寒書檢之其方類用乾姜柿蒂

丁香及附子等溫熱之藥末條僅載白虎湯一方仲瀉思之曰傷寒頭痛身熱口渴本屬陽明

熱邪傳裏故身涼發噦未經汗吐下邪何從而出第其人年老多作勞故于白虎湯中加參

三錢

二劑立起

二劑立起

于潤父夫人娠九月患傷寒陽明證頭疼壯熱渴甚舌上黑胎有刺勢甚危仲淳投竹葉石膏湯索白樂子醫馬病者不得即以井底泥塗臍上乾則易之一日夜盡石膏十五兩五錢病瘳越日產一女母子並無恙

存之一家人婦傷寒來乞方仲淳已疏方與之矣見其人少年問曰若曾病此乎曰然曰愈幾日而妻病曰八九日曰曾有房慾否曰無之仲淳故曰若有房慾此方能殺人也其人即置之不取遂以禪襦雄鼠糞麥冬韭白柴胡二劑勢定更用竹皮湯二三劑全愈

姚平子傷寒頭疼身熱舌上胎胸膈飽悶三四日熱不解奄奄氣似不屬者一醫以其體素弱病久虛甚意欲投參少許仲淳叱曰參一片入口死矣亟以大黄兩瓜萋二連子切片黃連枳實下之主人驚疑不得已減大黄之半二劑便通熱立解遂愈

張太學敬浦內人患熱入血室發狂欲殺人白下醫以傷寒治之煎藥未服陳錫玄遠仲淳往診仲淳云誤矣覆其藥投一劑而安先與童便繼與涼血行血安心神藥遂定

翁文學具茨感冒壯熱舌生黑胎煩渴勢甚劇時稽勳諸昆仲環視揮涕群醫束手仲淳以大劑白虎湯一劑立甦或問仲淳治傷寒有祕法乎仲淳云熟讀仲景書即祕法也白虎湯中曾加人參三錢

四明虞吉卿因三十外出疹不忌猪肉兼之好飲作泄八載矣忽患傷寒頭痛如裂滿面發赤舌生黑胎煩躁口渴時發譫語兩眼不合者七日洞泄如注較前益無度其尊人虞仰韶年八

十二矣客寓莊斂之處方得長郎山問懷抱甚惡膝下止此一子坐待其斃腸為寸裂斂之向
余曰此兄不祿仰韶必繼之即不死八十二老人扶重質而聽其扶櫬東歸余心安乎萬一有
此惟有親送至郵耳余聞其語為之惻然急往診其脉洪大而數為疏竹葉石膏湯方因其有
腹瀉之病石膏止用一兩病初不減此兄素不謹良一友疑其虛也云宜用肉桂附子斂之以
其言來告余曰誠有是理但余前者按脉似非此證豈不數日脉頃變耶復往視其脉仍洪大
而數余曰此時一投桂附即發狂登屋必不揀矣一照前方但加石膏至二兩斂之曰得毋
泄瀉有妨乎余曰熱邪作祟此客病也不治立殆渠泄瀉已八年非暴病也治病須先太醫急
治其邪徐并其風恙除之急進一劑夜卧遂安即省人事再劑而前惡證頓去不數劑霍然但
瀉未止耳余為疏脾胃雙補丸方更加黃連乾葛升麻以痧痢法治之不一月瀉竟止八載沉
痾一旦若失仰韶耄矣別余歸老拜謝垂涕謂父子得以生還皆余賜也

莊斂之一庄僕因受寒發熱頭痛如裂兩目俱痛渾身骨內疼痛下元尤甚狀如刀割不可堪

忍口渴甚大便日解一次胸膈飽脹不得眠已待斃矣斂之以其證來告為疏一方乾葛錢三石

膏一兩麥門冬八錢知母三錢羌活二錢大括半個連半個枳殼一錢桔梗一錢竹葉一百片河水煎服四

劑而平此太陽陽明病也貧人素多作勞故下體疼痛尤甚以羌活去太陽之邪石膏竹葉乾

葛知母麥門冬解陽明之熱括枳殼桔梗疏利胸膈之留邪故遂愈

一奴傷寒熱解後復下血不止主人以荆藥投之更甚仲淳云此傷寒失汗之餘症也用絳諭
麥門冬知母竹葉以代仲景諸血證藥遂愈

常熟吳見吳在京邸時有小青衣患傷寒愈而復復而愈愈而丹復不知其幾趙文肅公謂仲
淳曰此非兄不能救他人亦不肯往仲淳亟馳診之病人面色黃白六脉微弱大便不通胸中

不快亦不思食曰此為傷寒百合壞症之餘邪且退矣胸中不快虛而氣壅非實邪也不大便
者久病津液枯氣弱不能送也投以人參錢五麥門冬兩許枳殼炒八錢盡劑立解而瘥

莊飲之一僕因傷寒後勞復發熱頭痛腹內作瀉勢甚危急余為疏方山梔仁四錢枳實二錢豆豉
兩川黃連二錢乾葛三錢調六一散五錢服二劑熱退瀉止頭痛亦愈但不思飲食為去山梔枳實

黃連加鱉甲四錢炙甘草半錢麥門冬五錢不數劑而愈
梁谿一男子素虛春中感冒頭痛肌痛發熱羌活二錢麥門冬三錢炙甘草一錢紫蘇一錢北細辛分

前胡五分次日頭痛止熱未退口渴仲淳用芍藥五味子人曰風邪未退遽用酸飲何也曰因
人而施爾一杯即愈麥門冬三錢甘草一錢梔根五分乾葛五分桑白皮三錢桔梗一錢白芍藥一錢

味子五分

從祖近湖公少年因房勞食大肉傷寒諸醫以其虛也攻補兼施至發狂登屋奔走呼號日夜
令壯夫看守者幾月餘急走使延朱遠齋遠齋先命煎人參膏二斤以待用潤字號丸藥數錢

下之去黑糞無算勢遂定奄奄一息隣於死矣徐以參膏灌之至百二十日全瘳

治傷風後耳聾 仲淳定

甘菊花

二錢

石菖蒲

一錢

柴胡

六分

芫花

二錢

貝母

去心二錢

前胡

一錢

甘草

六分

北細辛

四分

蘇梗

一錢

二錢 加竹瀝一杯不拘時服

趙和齋年六十患外感予以他事請見延至中堂云偶因勞倦體疲正欲求教予為之診視細按其六部并察其形神謂云翁病屬外邪非勞發也須着意珍重時葛存誠在坐予私謂云此病是極重外感邪氣有內陷之兆恐難挽回別去三日大雨中復來邀看則神氣已脫脈無倫次問其所服何藥云石膏湯予云病證固重服藥又差無汗發熱非陽明證何得用石膏此太陽症未經發汗邪氣傳裏裏虛水涸不勝邪熱真氣已脫必不可救時猶以予言為妄不兩日而斃矣

魏季嘗止產後飲食不節復感風寒遂致發熱譫語喘咳氣逆惡露絕不至勢甚急迫予謂此症俱係外來客邪尚屬可救設正氣虛脫現諸症者必無幸矣何以見之以脉氣浮大有力故也用大劑疎風消食之藥二劑便霍然先是有用白朮歸芍等補藥幾為所誤 二條附

暑

治傷暑



高存之次郎童時夏月身熱十晝夜止飲白湯諸醫汗之不解以麻仁丸下之熱如故皇急中
仲淳忽至診曰此傷暑也白虎湯是其本方因誤汗下虛甚加人參錢二一劑微汗錢三眩少煩熱
解更疏一方防其瘧痢仍用人參錢二兼健脾清暑導滯之劑未幾瘧作如方飲之瘧止劑又作
存之不得已于生脉散中加益元散飲之免疰羸甚諸醫曰數日後死矣舉家惶急獲濟紛紜
仲淳復自松陵來存之語之故仲淳曰生脉益元散得之矣不診而諦視免問糜甘否曰甘大
呼曰病去矣存之且喜且訝免旦夕虞不保兄言何易也仲淳曰視免目光炯炯且飲食味甘
是精神已王胃氣轉矣奪祟脫然起

臧王涵子歲半盛夏咳嗽七日因浴受驚又傷食大熱倦頓三日不敢與藥自翳脣壘舌乾謀
之仲淳曰此暑病也當與白虎湯王涵曰腹瀉石膏無害乎曰先以天水散探之服二錢少頃
藥夾痰而吐微汗身涼黃昏復熱又以天水散二錢不効仲淳曰其為暑疰無疑當以白虎湯
加人參因免患肺熱且止仲淳再診之曰暑邪客于皮膚分肉有熱無寒是為瘧瘧斷當用白
虎湯連服二劑不効鼻露眼開口不納氣勢甚危叩仲淳曰此正氣不足勝邪也偶思刺瘧論
有云凡瘧先時一食頃乃可治過時則失之也又云無刺熛熛之熱無刺渾渾之脉無刺漉漉
之汗意者服藥不得時耶將前藥并劑煎露一宿雞鳴溫服之病頓失更不須調理精神漸復
經年無病以此知仲淳察病望氣靈心慧眼又知服藥貴及時當早服晚投當晚服早投當熱

而溫當溫而熱均失之也 此玉函自定案

任丘裴在澗棄家逃禪持戒如素遍遊五岳足跡幾滿天下偶登金壇寓西禪寺僧舍酷暑中
坐卧小樓日持準提咒三千念佛號三萬忽患頭痛如斧劈身熱發躁口乾日飲冷水斗餘漏
猶未解自分必死莊歛之憐其旅病時過視疾一日急走蒼頭召歛之永訣以所攜書畫玩器
盡投歛之泣而言曰兄其為我收藏吾死後切勿用世俗禮葬我惟以兩缸盛吾尸其中以三
尺地埋之耳歛之涕泗填胸束手無策余此時遊梁谿陽羨間歛之命余僕克勤相追歸視其
脉知係受暑為疏竹葉石膏湯方歛之如方製藥躬為煎服不二劑發熱口渴俱止幾十劑病
始退旋加健脾藥十餘帖而安

傷暑霍亂神方 包瑞溪學憲傳仲淳累驗

絲瓜葉一片白霜梅肉一枚并核中仁同研極爛新汲水調服入口立瘥

又方 馬銘鞠傳

用粟米連殼搗碎煎湯溫服下口立愈屢試神效

又方 梁谿顧聖符傳

取扁豆葉搗汁一碗飲之立愈

又方

高存之家僕婦患此仲淳以砂仁一兩炒研鹽撮沸湯調冷定服一劑愈傷冷物者加吳茱萸錢四

又方

用青蒿嫩葉手揉如豆大井水吞下數枚立愈

治中暑昏眩煩悶欲死

挖地深尺餘取黃土以新汲水調化飲一二甌立愈

又方

取田中泥漿塗臍上令壯者溺其上并溺口中得咽立起

治中暑大小便不通

用田螺三枚搗爛入青鹽三分攤成膏貼在臍下一寸即愈

瘧

如發熱口渴先服此方一二劑

麥門冬錢五知母錢五蜜炙錢二硬石膏五錢研細竹葉三十片粳米撮煎八分不拘時服

治熱多作吐頭痛口渴無汗或汗少

白茯苓錢三橘紅錢二山查肉錢二竹茹錢二知母錢二蜜炙麥門冬錢四硬石膏五錢研細

治寒多熱少無汗

醫學綱目



南京中醫藥大學圖書館藏

乾姜一錢生用柴胡五分當歸廣皮吳茱萸白朮土炒各三錢○如吐嘔而寒甚者此方去柴胡當歸加

人參二錢半夏姜汁炒一錢○如瀉去當歸加茯苓二錢○如有食脾胃不健第二方去當歸加白豆蔻

末七分○如寒熱相半及先寒後熱者第二方加黃芩一錢○如汗多加白芍藥酒炒黃者三錢

柴胡○如傷食必惡食第二方加山查五錢白豆蔻末七分神曲炒二錢厚朴姜汁炒一錢○如瀉甚者

可用半夏當用第一方加天花粉二錢倍用麥門冬知母須三四劑方可換健脾胃藥或兼用健

脾胃藥如白茯苓白朮廣陳皮白芍藥人參白豆蔻山查等劑是也○如寒甚只用第二方如

人參五錢生薑五片○如寒熱俱甚久不止者前方中去白朮乾姜加鱉甲醋炙研極細二錢地骨皮七錢

門冬五錢牛膝五錢

太陽經瘧頭痛遍身骨痛項脊覺強主方如渴則兼陽明矣

羌活二錢此係太陽主藥前胡一錢澤瀉炒一錢陳皮二錢○惡寒加姜皮甚則加桂枝○渴則加乾

葛○渴甚汗多加麥門冬知母竹葉白朮○久病用黃耆○虛甚加人參

治秋深寒熱甚而汗多者

人參白虎湯中加桂枝素有血證及咳嗽者勿用參桂

陽明經瘧熱甚渴甚煩躁惡人聲惡心不眠主方

硬石膏研細麥門冬各五錢加至一兩五錢知母去皮蜜炙三錢竹葉四十片加至一百片粳米撮水三大碗煎一碗不

拘時服○如瘧初發汗未大透本方加乾葛錢三○痰多本方加桔萸根錢三橘紅錢三竹瀝一錢

如嘔本方去竹葉換竹茹錢三橘紅錢三○汗多本方去乾葛加人參三錢元氣元氣白朮錢三○如寒甚

寒甚指爪色黯本方加桂枝五錢○頭痛骨痛又兼前症此太陽陽明也本方加羌活錢三○如

在秋末冬初又兼惡寒加桂枝錢三每日下午別服開胃健脾消食消痰兼除寒熱瘧邪藥一劑

方具於後

麥門冬錢五鱉甲錢三加廣橘紅人參各三錢加至五錢白豆蔻仁四分加白茯苓錢三烏梅肉錢三

白朮二錢加至四錢胃熱牛膝酒洗二錢水三鍾煎一鍾研入白豆蔻末乘熱服○如熱甚而

嘔加木瓜錢三枇杷葉三片大竹茹錢二○如虛寒胃弱有痰有濕因而嘔者加半夏錢三薑汁十

匙加至半杯渴而使燥者勿用

少陽經瘧往來寒熱相等口苦而嘔或兼耳聾胃腸痛主方

小柴胡湯 柴胡黃芩半夏甘草人參 鱉甲三錢至牛膝橘紅各三錢○如惡食本方加枳實

炒錢一白豆蔻分五○如有肺火本方去人參半夏加麥門冬錢五牛膝鱉甲橘紅如故○如爪黯使

燥及痰盛方中去半夏加當歸錢三竹瀝一大○惡寒甚本方加桂枝二錢至生薑皮三錢至

如兼陽明渴欲引飲此少陽陽明也本方去半夏加石膏錢八麥門冬錢五竹葉三十每日下午別

服開胃健脾消食消痰兼除寒熱瘧邪等藥如前方

太陰脾瘧寒從中起寒甚而後熱嘔甚嘔已乃衰主方

桂枝二錢人參三錢白芍藥三錢薑皮三錢水二鍾煎一鍾空心飢時各一服再煎五六分下午服

開胃健脾消食消痰兼除寒熱瘧邪藥如前方

少陰經瘧惡寒心煩而渴小便艱澀無汗躁欲去衣或手足冷或欲飲水或咽痛主方

鱉甲牛膝各三錢知母二錢桂枝一錢細辛五分橘紅三錢白茯苓三錢猪苓一錢澤瀉一錢人參三錢

有肺火姜皮一錢水二鍾煎八分空腹飢時各一服○如寒甚倍人參姜皮○如熱甚倍鱉甲

中牛膝加烏梅肉有痰加竹瀝下午別服開胃健脾消食消痰除寒熱藥大畧如前方

厥陰經瘧色蒼蒼然善太息不樂主方

桂枝三錢柴胡三錢鱉甲四錢當歸三錢橘紅三錢牛膝二錢何首烏五錢水三

碗煎一碗空心飢時服○便燥及昏暈欲死本方加麥門冬竹瀝下午別服開胃健脾消食消

痰除熱藥如前方○如有肺火及內熱去桂枝加知母三錢

治陽分間日瘧寒熱俱甚煩躁舌胎

硬石膏三兩知母五錢麥門冬一兩竹葉片一百枯蔓根六錢貝母五錢廣陳皮三錢發日加人參五錢有肺熱者勿用

姜皮一錢隔夜煎成露一宿五更服

治隔一日一發先熱後寒熱少寒多午時發頭疼筋骨痛唇燥口乾惡心無汗後半夜涼

天明頭痛止

羌活二錢頭不痛即去之乾葛二錢五分陳皮三錢麥門冬五錢知母二錢生薑皮二錢炙甘草五分何首烏錢水二錢八分露一宿天明溫服

治胎前瘧熱多口渴方

黃芩酒炒二錢柴胡一錢硬石膏五錢至一兩麥門冬去心五錢至一兩知母去皮蜜炙二錢至四五錢廣橘紅二錢至一錢白朮三錢竹葉五十片至一百片○胃虛加人參三錢至五錢河水二碗煎八分飢時服發日五更溫服滓再煎六分并進○如熱甚寒亦甚本方加生薑皮二錢至四錢白朮三錢

治胎前瘧寒甚不渴少汗方

人參生薑皮各五錢至一兩廣橘紅去白二錢至四錢河水二碗煎八分五更溫服再煎五六分并進寒甚者陽氣虛而下陷也益陽氣則寒自止邪自散矣故應多服人參如汗多并加黃耆五錢

治產後瘧主方

當歸三錢至五錢柴胡一錢鱉甲四錢至七錢牛膝一兩白茯苓三錢廣橘紅三錢生薑皮一錢至二錢乾姜炒黑四分水二鍾煎八分露一宿五更溫服○如渴加麥門冬六錢竹葉五十片青蒿三五錢去生薑皮乾姜○如渴甚更加知母三錢括畧根三錢○痰多并加貝母四錢○如脾胃弱加人參三錢至一兩元氣虛亦如之○有肺熱者去人參加白芍藥四錢○如汗多加黃耆五錢至一兩○寒甚加桂枝七分至一乾姜炒黑七分○如惡



露未盡亦如之并加益母草五錢炒一蘇木五錢打碎別以綿裹入藥煎熱多加青蒿三四錢

治三日瘧寒多

當歸酒洗二錢桂枝一錢乾姜二錢廣陳皮五錢何首烏洗淨切片五錢人參三錢至

治三日瘧寒熱俱甚或早晏不齊作止不一

當歸酒洗二錢桂枝一錢乾姜二錢廣陳皮五錢何首烏洗淨切片五錢人參三錢至麥門冬各五錢知母三錢桂枝一錢姜皮三錢無汗倍之烏梅一錢

三錢汗多或嘔去之無汗倍之水三鍾煎一鍾露一宿發日五更溫服查再煎七分餘日空心飢時服○如渴

加石膏兩竹葉五十片渴止去之○氣虛加人參五錢○如汗多加黃耆三錢兼便燥加歸身五錢○不

思食及食難化加人參五錢白苳蔻仁七分厚朴一錢○如泄去石膏知母竹葉倍白朮加茯苓三錢

車前子二錢肉苳蔻一錢澤瀉一錢○痰多加竹瀝一大杯

治三日瘧熱多渴甚

驚甲 牛膝 何首烏 麥門冬各五錢加至兩二錢知母四錢加至七錢橘紅五錢石膏八錢加至三兩竹葉三十片至百片水

三大碗煎一碗露一宿發日五更溫服○如惡食加青皮醋炒錢五分白苳蔻仁七分○無汗或有汗

而少加乾葛四錢○汗多本方加人參白朮氣虛倍加人參○如嘔本方加竹茹烏梅○便燥加

當歸○得汗渴止去石膏乾葛下午別服開胃健脾消食消痰藥如前法

治三日瘧寒多熱少汗少或無汗



人參 白朮 各五錢至一兩 橘紅 四錢至六錢 桂枝 二錢至三錢 姜皮 五錢至一兩 白豆蔻仁 七分 水三碗煎一服露一

宿發日五更溫服渣再煎七分連進不拘時空心飢時服

治三日瘧陰分 黃氏姑服之立起

何首烏 兩 牛膝 兩 當歸 五錢 便燥用 鱉甲 醋炙 廣橘紅 三錢 水三鍾煎一鍾空心服 愈症極者

加人參 兩一

治三日瘧

人參 兩 生薑皮 錢五 水二鍾煎八分空心服 ○于中父病瘧初服此不效仲淳堅持比方加參至

兩生薑皮 至一兩 二服即起

治瘧邪未盡而痢作者先服此方二三劑

鱉甲 三錢 廣陳皮 去白 白茯苓 三錢 柴胡 錢一 白芍藥 三錢 乾葛 錢一 ○如惡寒寒熱交作加柴胡 二錢 生薑

皮 錢一 ○如渴去薑皮加寒水石 七錢 滑石 錢四 ○如無汗加乾葛 二錢 至三四錢可服參者加參 三錢

次服方 服之滯下必止

乾葛 二錢 升麻 七錢 醋炒 蓮肉 去心 炙甘草 錢一 烏梅肉 二錢 廣橘紅 三錢 白扁豆 炒 鱉甲 二錢 白茯苓

二白芍藥 三錢 酒炒 黃芩 錢五分 川黃連 加至三錢 河水二鍾半煎八分調水飛過滑石末 錢四 兼吞

滯下丸二三服送以葛根湯或蓮子湯亦佳 ○如腹痛以炒砂仁三四錢濃湯吞滯下丸



治久瘧不已似勞證

當歸酒洗五錢 牛膝酒浸五錢 幣甲三錢 何首烏自採鮮者五錢 廣橘紅三錢 生姜皮二錢 柴胡一錢五分 上

則去之者用有汗 貝母三錢 水三鐘煎一鐘加竹瀝一大杯發日五更時服隔夜先煎露一宿臨服時

重湯頓溫 蓋瘧者暑氣為病也暑得露即解世鮮知者

防瘧方 夏秋不報必無瘧矣

何首烏兩 真茅山蒼朮兩半 夏兩 橘紅兩 人參兩 白茯苓兩 藿香葉兩 白豆蔻仁兩 五錢

末米粉糊加姜汁丸如菜豆大每五錢下午及臨卧白湯吞

時淳年十七時為瘧所苦凡湯液丸飲巫祝靡不備嘗終無救于病徧檢方書迺知瘧之為病

暑邪所致也經曰夏傷于暑秋必咳瘧遂從暑治不旬日瘳後數以意消息散邪之外專養胃

氣痰多者消痰氣虛者補氣血虛者益血又分臟腑經絡各從其類以施向導即經年不愈者

竟霍然起矣

沈少卿中丞請告時苦瘧仲淳往診之憊甚曰再一發死矣先生何方立止之仲淳曰何言之

易也書三方作五劑一日夜飲盡次早瘧止先二劑清暑用大劑竹葉石膏湯加桂枝以其渴

而多汗也次二劑健脾去積滯用橘紅白豆蔻白朮茯苓穀蘖烏梅白扁豆山查麥芽最後一

劑人參兩生姜皮兩水煎露一宿五更溫服盡劑而效



南京中

大學圖書館

顧伯欽患瘧仲淳之門人疏方以白虎湯加人參一兩一庸工云豈有用參至兩數者乎改用清脾飲二十餘劑而瘧不止體尪弱仲淳至笑曰此虛甚非參不可吾徒不謬也投以大劑參芪一劑而瘧

人參兩黃芪一兩知母五錢陳皮二錢乾葛二錢甘草分石膏五錢

莊歛之妾患瘧寒少熱甚汗少頭痛不嗜飲食余為診脉洪數而實用麥門冬五錢知母三錢石

膏一兩竹葉六十片粳米撮橘紅二錢牛膝兩乾葛三錢白茯苓三錢白扁豆三錢三劑不應忽一日凡寒

熱者再昏迷沈困不省人事勢甚危急歛之過余云恐是虛弱前方石膏知母竹葉似近寒涼

非其治也余亦心疑為去石膏等而加人參二錢已別矣余追想前脉的非屬虛急令人往祝

令其將參煎好勿輕與服待按脉加斟酌焉次早往視其脉洪數如初急止人參勿服惟仍用

前方而加石膏至二兩何首烏五錢令其日進二劑瘧遂止

莊歛之前患瘧妾越一載忽頭痛如裂心內雜亂不清喉作痛失音舌破咳嗽有痰胸膈飽脹

惡心不思飲食如此者四日矣日漸增劇陡發寒熱如瘧狀寒少熱多熱後頻出汗方解平時

有心口痛證并作下元無力如脚氣狀歛之疑為傷寒余曰此受暑之證即前年所患瘧而勢

加劇耳法當先去其標令以石膏兩麥門冬五錢知母三錢橘紅半錢牛膝五錢鱉甲四錢竹葉十片

貝母三錢括婁根三錢河水煎服三四劑心內清頭疼喉痛失音舌破飽脹寒熱俱愈但惡心不思



食如故而心口痛下元無力不減余為去石膏知母竹葉鱉甲貝母括婁根而加延胡索二五

靈脂分生蒲黃一錢五分薏苡仁八錢木瓜二錢石斛三錢白扁豆三錢白芍藥三錢竹茹二錢枇杷葉三錢炙甘草五錢

草分四幾十劑而愈

高存之甥女嫁後患胎瘧久不止仲淳云病在陰分以人參五錢牛膝一兩兼健脾清膏一劑而愈

章衡陽子室患瘧後失音寒熱愈甚告急仲淳云此必瘧時不遇明眼人妄投半夏故也

投以大劑 麥門冬 白茯苓 炙甘草 鱉甲 知母 貝母 數劑瘳

治停食發瘧

梁溪王興甫偶食牛肉覺不快後遂發瘧飲食漸減至食不下咽已而水飲亦不下白湯過喉

間嘔出作碧色藥不受小便一滴如赤茶大便閉諸醫束手仲淳忽至視之令仰臥以指按至

心口下偏右大叫因詢得其由用丸藥一服至喉輒不嘔水道漸通次日下黑物數塊如鐵丸

藥用礬紅和平胃散作末粟肉和丸白湯下三錢其病如失再以人參五錢麥門冬五錢橘紅三錢

芍藥三錢水煎服四日起

治瘧母丸方

鱉甲醋炙四兩廬蟲煨存性研極細一兩半 廣橘紅一兩射干一兩青皮八錢人參小錢肉桂去皮六錢乾漆煨烟起存性研

如飛塵五錢為極細末醋煮稀糯糊和丸如梧子大每四錢空心淡姜湯下



痢

滯下如金丸 滯下俗呼痢疾

真川黃連

真姜汁浸隔土如法炒九次不拘斤兩

細末姜汁和水跌丸如梧子大貯磁器中封固如曾翁以蓮子

四十粒橘紅

錢二升麻

煎湯吞四錢○腹痛以白芍藥三錢炙甘草一錢黃蘗一錢升麻

分煎湯吞四錢已後各條加減皆以丸藥四錢為率○裏急甚以白芍藥三錢炙甘草一錢當歸二錢

升麻醋炒煎湯吞四錢○後重甚加檳榔五分枳殼一錢木香汁七錢調入○口渴及發熱調滑石

末錢三去木香○小便赤澁短少或不利加滑石末錢三調入各症湯中吞藥○赤多加烏梅肉錢二

山查肉錢三紅麴錢二○兼裏急用當歸等加入如前方○白多加吳茱萸湯泡七分黃芩酒炒五分○

惡心欲吐即噤口痢多加人參石蓮肉綠色升麻醋炒可用至八分或一錢白扁豆炒三錢白芍藥酒炒○久

痢不止加肉豆蔻錢一蓮肉去心炒砂仁炒五分人參錢三白扁豆炒去殼錢二炙甘草錢一橘紅錢二白芍

藥酒炒白茯苓錢二細末煉蜜丸如梧子大每服三錢米湯下若積滯未盡加滑石末錢三每服四

錢白湯吞○水瀉無積滯者用人參橘紅炒砂仁湯吞三錢○凡治滯下非元氣壯實多噉能

食之人慎勿輕用大黃巴豆牽牛甘遂大戟等下藥○凡產後滯下積滯雖多腹痛雖極不可

用大黃等藥行之致傷胃氣遂不可救但用人參白芍藥當歸紅麴升麻醋炒益母草加炙甘草

一倍滑石末四五錢足矣○若惡露未盡兼用乳香沒藥各七分炒砂仁末錢一久之自愈血虛



可加阿膠

二錢蛤粉炒

○凡胎前滯下宜用黃芩黃連白芍藥炙甘草橘紅赤麩枳殼蓮肉炒各用

升麻未滿七月勿用滑石證急者必須用之不拘此例

護心奪命丹

治虛弱人患痢及痢久脾胃虛者

肉豆蔻

一兩五錢

白芍藥

酒炒六兩

炙甘草

一兩

廣橘紅

三兩

白扁豆

炒三兩

滑石

六兩

赤麩

炒研四兩

綠色升麻

醋炒二兩五錢

川黃連

切片拌好酒同吳茱萸浸二宿瓦上炒乾分兩

開連莢各取淨黃連三兩

白痢加茱萸一兩

細末煉蜜丸如茱萸大

每服三錢白湯吞○如噤口痢并虛弱人即以前方中去豆蔻另以人參三錢煎濃湯吞

加味滯下丸

川黃連

白痢如前法赤痢用濕槐花炒去槐花八兩

白芍藥

酒浸切片炒五兩

烏梅肉

二兩

滑石

水飛如法六兩

炙甘草

二兩

升麻

綠色者醋

炒三蓮肉

去心炒如法六兩

白扁豆

炒去殼三兩

紅麩

籬淨炒五兩

乾葛

二兩

為細末蜜丸每五錢白湯吞飢時服

證重者日三服

又滯下丸

川黃連

如法製一斤

滑石末

八兩

檳榔

四兩

炙甘草

三兩

木香

為末和水隔湯燉二兩五錢

枳殼

炒五兩

白芍藥

荷葉湯稍加姜汁糊成丸如茱萸大每服三四錢烏梅湯吞若加吳茱萸白扁豆橘紅去檳榔枳殼

兩治白痢作四樣一無木香一無檳榔枳殼一加當歸一加吳茱萸白扁豆橘紅去檳榔枳殼

○燥熱煩渴惡心者勿用木香○元氣虛弱者勿用檳榔枳殼○積滯多而後重者用檳榔枳

殼



穀○裏急色赤者用當歸惟惡心嘔吐及不思食者勿用○久痢加肉豆蔻

治血痢痛甚湯液仲淳傳自包瑞漢學憲試之神效

白芍藥酒炒五錢此一味仲淳加入者枳殼槐花同炒去升麻醋炒七分真川黃連姜汁炒五錢滑石末錢乳香錢

各七分
五厘
山查肉三錢五分
甘草五分

治噤痢神效

綠色升麻醋炒一錢人參三錢蓮肉去心炒焦三十枚水一鍾煎半鍾飲之蜜和為丸更妙每四錢一服白湯

吞

治久痢紅中兼有青色白痰間發熱

真川黃連槐花炒一錢五分白芍藥酒炒二錢廣陳皮三錢人參一錢蓮肉炒十枚肉豆蔻炒五分甘草五分山查肉二錢

綠升麻醋炒五分砂仁炒五分滑石末二錢調服

治噤口痢吐不納藥者

人參兩川黃連姜汁製五錢石蓮子炒去心五錢水二鍾煎八分小杯緩服之吐止痢亦止

大黃丸痢初起壯實者可用胃弱者禁施

川大黃切片蜜一斤白芍藥酒浸切片炒六兩甘草炙三兩檳榔四兩木香切片不見火為末一兩枳殼炒四兩細末煉蜜同

水煎木香和搗為丸如菜豆大白菜煎湯吞三錢重者五錢以行兩三次腹中爽快為度胃氣



南京中醫藥大學圖書館 版權所有

虛極之人勿輕用之積滯重而元氣虛者以人參湯吞 孕婦以人參縮砂湯吞行後用人參丸補之

予家夏秋患此甚眾輒依前方療之歲為常并以應里中之索方者一一神驗黃聚川年元夫年八十餘偶患痢胸膈脹絕粒數日子以升麻人參黃連蓮肉方投之參至二兩諸子甚再問予予曰遲則不救矣一劑嘔粥再劑腹中響一泄痢即止今年九十餘尚健也

陳赤石督學因校士過勞感暑遂滯下純血醫皆難之陳刺史曰此非繆仲淳莫能療也使余旁午得之吳門一夜馳至武林仲淳診得其所由遂用人參錢五升麻錢六甘草錢一烏梅錢一

紅麴錢一川黃連錢三白芍藥錢二蓮肉錢四煎調滑石末錢五二劑而愈督學曰痢止矣心搖搖不能閱卷奈何仲淳曰此勞心太過暑因客之故爾加竹葉乾葛酸棗仁一劑遂平

姚公遠幼子病痢一鑿誤下之遂下純血氣喘身熱不思食仲淳偶至亟以人參錢四石蓮子錢五白芍藥升麻橘紅草石蠶白扁豆滑石末炙甘草投以一劑喘平血止又數劑痢止仲淳臨別

囑公遠曰免百日內不出痘則生以下多元氣未復故也未幾即痘果場家弟推端幼病痢甚日夜數十次服數劑即愈

人參錢三吳茱萸錢一滾湯泡七次川黃連錢一姜汁炒後二味飯鍋上蒸水煎至八分溫服如不受以藥一匙間米湯一匙漸漸飲之胃氣漸復如頭痛發熱煎方中加寒水石錢六乾葛錢一別調六一

散四錢冷水服

庚子秋華氏妹歸寧忽痢日夜幾百行身熱發嘔一嘔數十聲不絕吳暨爭欲下之且曰精神死矣時仲淳以先王母病留湖濱憐其促治後事甚亟曰既已知危何不以藥試之服如金丸因思飲子固守仲淳前方以人參錢五炒黃連 白扁豆 升麻 滑石 炙甘草 橘紅 再進如金丸二劑勢稍定更數服愈華水部至今感服

友人虞元靜房中人方孕五月患滯下腹痛日不下數次為定此方甫服一鍾覺解行去腹即解一次痛亦隨已滯下全愈

川黃連錢四 白芍藥錢三 黃芩錢三 白扁豆錢二 蓮肉錢四 橘紅錢一 枳殼錢三 紅麴錢二 乾葛錢一 升麻錢五

炙甘草錢一 烏梅肉錢一

治毒痢及發瘡時瘡毒下利方

鮮金銀藤即忍冬藤數 兩煎濃汁三大碗入地榆錢五 川黃連槐花濕拌炒四錢 黃蘗錢二 黃芩錢二 白芍藥酒炒三錢

炙甘草錢二 升麻綠色者醋炒六分 同煎至一碗調水飛過滑石末五錢不拘時服

治濕熱腹痛

一少年貴介暑月出外飲食失宜兼以暑熱遂患滯下途次無藥病偶自止歸家腹痛不已偏

嘗諸醫之藥藥入口痛愈甚亦不思食仲淳視之曰此濕熱爾其父曰醫亦以濕熱治之而轉

劇仲淳曰投何藥曰蒼朮黃連厚朴枳殼陳皮等仲淳曰誤也朮性溫而燥善閉氣故帶下家忌之郎君陰虛人也尤非所宜更以滑石一兩為細末以牡丹皮汁煮之別以白芍藥酒炒甘草錢二炒黑乾姜錢五水煎調滑石末服之須臾小便如注痛立止

秦公番病痢醫誤投澁劑一服痢止濕熱無自而出遍攻肢體骨節間以致項強目赤肩臂膝足脛俱發腫痛甚不能轉側仲淳疏方寄之用白芍藥石斛牛膝木瓜黃蘗黃以仁炙甘草車前子茯苓痛雖止尚不能轉側更用蔞藜菊花何首烏胡麻黃蘗炙甘草復逾年愈其始發時一醫稍投參朮痛極欲死此條本證陰虛有火又加濕熱暑濕交攻故現此證名痢風陰虛火多故不受補又不宜燥惟微寒清平之劑調之久之自愈

凡治滯下與大腸滑泄自利不止不同滑泄自利不止有可澁之道故古人有間用罌粟殼及訶利勒以止其滑泄若夫滯下本屬濕熱瀆滯不行法宜疏利藥忌兜澁大腸者肺之腑也大腸既有濕熱留滯則肺家亦必有熱肺乃華蓋之藏經曰脾氣散精上歸于肺通調水道下輸膀胱是肺氣喜通利惡閉澁故古人藥性中每云利肺氣其意概可見已倘誤用罌粟殼訶利勒使濕熱無所宣洩肺氣不得下行非惟滯下增劇濕熱熏蒸上千乎肺則脹悶氣逆不得眠不思食諸證至矣○又有久嗽不愈緣于肺虛有火法當清肺潤肺忌用澁燥閉氣之藥設若誤用罌粟殼訶子俾火壅于肺不得下降若兼參朮半夏即死不旋踵矣世醫往往臨此覆轍相

奪卒無悟者聊為論者敢告方來

已上瘧痢二門諸方皆仲淳斟酌所定因證加減與時消息可謂詳且盡矣然不盡用方書所載投之輒効百不一蓋獨開門戶者也

外有時行疫痢一證三十年前間或有之今則往往夏末秋初沿門闔境患此其證大都發熱頭疼口渴煩燥下痢溺瀉甚者一日夜行百次或兼發斑疹勢甚危迫世醫妄指為瀉底殊不知此是時氣使然因世人稟賦漸薄積感濕蒸厲氣所致治法當清熱解毒表散為急如升麻葛根柴胡黃連黃芩之類或熱甚渴甚前藥中可加寒水石更有別證以意加減切忌下行破氣收瀉如大黃芒硝枳榔枳實烏梅粟殼等犯此者多致不救 上一條附

洩瀉

天地之間動靜云為者無非氣也人身之內轉運升降者亦氣也天地之氣不和則山川為之崩竭人身之氣不調則腸胃失其轉輸外則風寒暑濕之交侵內則飲食勞倦之不節腸胃因之而變此洩瀉之由也致疾之端匪一治療之法自殊經云春傷于風夏生飢泄春者木令風為木氣其傷人也必土臟受之又風為陽邪其性急速故其泄必完穀不化洞注而有聲風之化也古之所謂洞風是也宜先以風藥發散升舉之次用參芪白朮茯苓大棗甘草肉桂等藥以制肝實脾芍藥甘草乃始終必用之劑傷暑作瀉必暴注大孔作痛火性急速失于傳送也

口多渴小便多赤或不利身多發熱瀉後則無氣以動熱傷氣也清暑用十味香需飲清暑益氣湯內虛之人中氣不足用六和湯不用黃連理中湯或加減桂苓甘露飲腎泄者難經所謂大瘕泄也好色而加之飲食不節者多能致此其泄多于五更或天明上午溏而弗甚者弗膠服補脾胃藥多不應此其候也夫脾胃受納水穀必藉腎間真陽之氣熏蒸鼓動然後能腐熟而消化之腎臟一虛陽火不應此火乃先天之真氣丹溪所謂人非此火不能有生者也治宜益火之原當以四神丸加人參沉香甚者加熟附茴香川椒

又有醉飽行房腎氣虛之濕熱乘之下流客腎久泄不止治宜升陽除濕次用八味丸加山藥茯苓地黃減半

腎司二便久泄不止下多亡陰當求責腎破故子肉豆蔻茴香五味子之屬不可廢也白朮陳皮雖云健胃除濕救標則可多服反能瀉脾以其燥能損津液故耳

長夏濕熱令行又歲濕太過民多病泄當專以風藥如羌活防風升麻柴胡白芷之屬必二三劑緣除風能勝濕故也

泄而少食胃弱故也人參為君扁豆橘皮佐之
泄而食不消縮砂人參肉豆蔻

泄而腹痛白芍藥炙甘草防風木香

泄而氣弱乾葛人參白朮白茯苓

泄而小水不利車前子末不通中焦有濕熱者當用猪苓澤瀉

肉積作瀉用肉豆蔻山查蒜

麩積作瀉蘿蔔子

感寒而瀉理中湯加紫蘇

濕痰作瀉半夏白朮茯苓為君神曲為佐

九製黃連最能止瀉須與人參等分乃可蓋久瀉不止多緣氣虛純用苦寒胃氣愈閉又下多

亡陰必用人參亦陽生陰長之意也然此亦指腸胃虛熱者而言如虛寒者不宜藥用

脾腎雙補丸 治腎泄

人參去蘆一斤蓮肉去心每粒分作八小塊炒黃一斤菟絲子如法另末一斤半五味子蜜蒸烘乾一斤半山茱萸肉揀鮮紅肉厚者去核烘乾

一斤真懷山藥炒黃一斤車前子米泔淘淨炒十二兩肉豆蔻十兩橘紅六兩砂仁六兩巴戟天十二兩甘草補骨脂

脂圓而黑色者佳益末一斤為細末煉蜜和丸如菜豆大每五錢空心飯時各一服如虛而有火者

火盛肺熱者去人參肉豆蔻巴戟天補骨脂 忘羊肉羊血

梁溪一女人茹素患內熱每食腸鳴清晨大瘕泄脾腎雙補丸內去肉豆蔻以白芍藥代之外

加白扁豆十二兩立愈



無錫秦公安患中氣虛不能食食亦難化時作泄胸膈不寬一醫誤投枳殼青皮等破氣藥下利完穀不化面色黯白仲淳用人參四錢白朮二錢橘紅錢許乾姜七分甘草錢一大棗四錢五劑漸愈後加參至兩許全愈三年後病寒熱不思食他醫以前病因參得愈仍投以參病轉仲淳至曰此陰虛也不宜參乃用麥門冬五味子牛膝枸杞芍藥茯苓石斛酸棗仁各等十餘劑愈

從妹患泄後虛弱腹脹不食季父延諸醫療之予偏問疾見其用二陳湯及枳殼山查等味令曰請一看病者見其向內卧眠兩手置一處不復動曰元氣虛甚矣法宜用理中湯令檢未盡進以人參三錢橘紅二錢加姜汁竹瀝數匙夜半思粥神思頓活季父大喜盡謝諸醫再以六君子湯加山查肉砂仁麥門冬調理之數劑立起

治腹痛作泄

予患腹痛泄日十餘度仲醇以一劑止之

人參一錢五分蒼朮未油浸黃連姜汁炒三錢北五味蜜蒸橘紅一錢肉豆蔻一錢吳茱萸湯泡白茯苓各五分藿香五分

莊歛之平日素壯食善啖丁巳四月忽患泄瀉凡一應藥粥蔬菜入喉覺如針刺下咽即辣因而滿腹絞辣隨覺腹中有氣先從左升次即右升魚氣遍腹即欲如廁彈響大泄糞門恍如火灼一陣甫畢一陣繼之更番轉廁適時方得離廁諦視所泄俱清水盈器白脂上浮藥粥及蔬

菜俱不化而出甚至夢中大遺了不收攝諸醫或云停滯或云受暑或云中寒百藥雜投竟如
沃石約月餘大肉盡脫束手待斃歛之有孀母朝夕相視哀號呼天恨不以身代也余于仲夏
末偶過金壇診其脉洪大而數知其為火熱所生病為疏一方用川黃連三錢白芍藥五錢橘
紅二錢車前子三錢白扁豆三錢白茯苓三錢石斛三錢炙甘草一錢祝其煎成將井水澄冷
加童便一杯始服臨別再三叮嚀云此方勿出以示人恐時師見之大笑不已也若為軀命計
須堅信服之耳歛之却眾醫下鍵煎服藥方入喉恍如飲薄荷汁隱隱沁入心脾腹中似別成
一清涼世界甫一劑夜即達旦洞瀉頓止連服三劑大便已實前泄時藥樹等物凡溫者下咽
腹中遂覺氣升即欲大解一切俱以冷進方快家人日以為常至是啖之覺惡心畏冷旋易以
溫始相安余曰此火退之徵也前方加人參二錢半蓮肉四十粒紅麴一錢五分黃耆三錢升
麻五分黃連減半五六劑後余將近長興歛之持方求余加減余曰此已試効方宜固守多服
但去升麻可耳越月餘余再過金壇歛之頻顧向余曰自先生去後守方煎服幾三十餘劑矣
今瀉久止而脾氣困頓不知飢飽且稍飲茶湯覺腸滿急脹如欲寸裂奈何余曰大瀉之後是
下多亡陰也法宜用補倘此時輕聽盲師妄用香燥諸藥取快暫時元氣受傷必致變成蠱脹
即不救矣復為疏一丸方人參五兩白芍藥六兩炙甘草一兩五味子六兩綿黃耆五兩山茱
萸肉五兩懷山藥五兩熟地黃八兩牛膝六兩紫河車二具蜜丸空心飢時各一服而日令進

前湯液方飲之相信甚力堅守二方服幾三年脾胃始知飢而嗜食四體亦漸豐矣飲之恆對
余言每遇脾胃不和時或作瀉覺腹中有火則用黃連否則去之一照余方脩治煎服泄遂止
而脾頓醒迄今以余所疏方儼如重寶十襲珍藏謂余不啻起死而生之也其病初平後余
其絕慾年餘飲之因出妾得盡發家人私謀乃知向之暴泄由中巴豆毒本草中巴豆毒者
黃連冷水解之余用大劑黃連澄冷方服政為對治向使如俗醫所疑停滯受寒中暑治之
何啻千里即信為是火而時師所投黃連不過七八分至錢許止矣況一月之瀉未有不疑為
虛寒者用黃連至四錢此俗醫所必不解也向余祝其勿出以示人為是故耳始知察脈施治
貴在合法神而明之存乎其人耳

余治飲之瀉止後恐其元氣下陷急宜升舉用升麻以提之初不知其為中毒也乃因用升麻
太早致濁氣混于上焦胸中時覺似辣非辣似嘈非嘈迷悶之狀不可名狀有時滴酒入腹或
啖一切果物稍辛溫者更覺苦不勝莊一生知其故曰此病在上焦湯液入口即下注恐未易
奏功宜以噙化丸治之用貝母五錢苦參一兩真龍腦薄荷葉二錢沉香四錢人參五錢為極
細末蜜丸如彈子大午食後臨卧時各噙化一丸甫四丸胸中恍如有物推下三年所苦一朝
若失

治泄瀉在陽明胃太陰脾經者

白茯苓三錢 白朮炒二錢 炙甘草三錢 車前子炒三錢 陳皮二錢 升麻五分 乾葛一錢 姜片三大片 砂仁炒一錢 川芎連

一錢五分姜汁炒如無濕熱者去之 河水二鍾加棗肉二枚飢時服

治大便不通 張選卿屢驗

硃砂研如飛 真蘆薈研細 滴好酒少許和丸每服一錢二分好酒吞朝服暮通暮服朝通須至

晴時修合為妙

唐震山年七十餘大便燥結胸中作悶仲淳曰此血液枯槁之候用

大肉從蓉三兩白酒浸洗去鱗甲切片 白湯三碗煎一碗頓飲飲竟大便通胸中快然偶一醫問疾曰此劫

藥也當調補脾胃為主易以白朮厚朴茯苓陳皮病如故唐翁曰誤矣仍飲前藥立鮮高存之聞而叩其故仲淳曰肉從蓉峻補精血驟用之反動大便藥性載甚明也

